

ՀԱՅԿ ԵՄԱՊԵՏԻ ՄԱՍԻՆ ԱՌԱՍՊԵԼՆ ՈՒ ԿԻՐՇԱ
ՔԱՂԱՔՐԸ ՆԻՐՈՒՐԻ ԼԵՌՆԵՐՈՒՄ

Ս. Գ. ՀՄԱՅԱՆՅԱՆ

Այժմ, կասկած չի հարուցում այն, որ Մովսես խորենացու և Սերեոսի հաղորդած Հայկ նահապետի մասին առասպելը իր մեջ ներառել է ճշմարիտ պատմական հիմք ունեցող շատ ավանդություններ: Խոսքը նաև առասպելի մասին է, որտեղ խորենացին, վկայակոչելով Մար Արաս Կատինային, պատմում է, թե այն ժամանակ, երբ մարդկային աղդը սփռվում ու տարածվում էր ողջ երկրի վրա, Բելին հաջողվում է բռնանալ ու համայն երկիրը գրավել, որին չկարողանալով հնազանդել, Հայկը, Բաբելոնում Արամայակ որդու ծնվելուց հետո, իր ընտանիքով, թվով մոտ երեք հարյուր հույի (աղամարդ) և ուրիշ ընդոթիներով, չվում է դեպի Արարադի երկիրը: Այնտեղ քիչ ժամանակ բնակվելուց հետո, երկիրը տալիս է Արամայակի որդուն՝ Կազմասին, իսկ ինքը մնացած մարդկանցով ու տունուտեղով, շարժվում է դեպի «Հյուսիսային արևմուտք» և դալիս բնակվում է Հարքում. այստեղ շինում է մի գյուղ՝ անունը Հայկաբերդ:

Բելը, Հայկին հնազանդեցնելու նպատակով, զորքով դալիս է Հյուսիս. հակառակադար տեղի է ունենում Վանա լճի ափին, ուր և Հայկի նետից խոցված՝ Բելը զոհվում է:

Ինչպիսի հայտնի է, Արարադի երկիրը կամ լեռները սեպագիր աղբյուրներում (ասուրական) անվանված են Նիբուր², Նիբուրի լեռները ուշ բրոնզի և վաղ երկաթի դարերում բաժանված էին Հայկական լեռնաշխարհի հինգ իշխանությունների միջև. լեռների արևմտյան մասը ընդգրկված էր Բաբելոնի ու Կազմուխի, Հյուսիսային հատվածը՝ Խաբիի, արևելքը՝ Կումենուի ու Մեխրիի կազմում. հարավում Ասորեստանն էր:

Կումենուն տեղադրվում է Տիգրիս գետի ափին, Տիգրիսի վտակ Արեվիլյան հարուր գետի հովտում, Մեխրի, Կազմուխի և Մուծածիր իշխանությունների հարևանությամբ: Երկրի մայրաքաղաքն էր Կիբշա (Կիբշունա, Կիբշունի) բերդավանդ, որը գտնվում էր Նիբուրի լեռներում: Կումենուի կարևորագույն բնակավայրերից էր Խունուս մեծ ամրոցը, որը շրջապատված էր երեք շարք թրծած աղյուսե պարիսպներով: Այստեղ էր գտնվում Թեշուբին ձոնված մի նշանավոր տաճար:

Կումենու երկրի ամենավաղ հիշատակությունը գտնում ենք Թուկուլթի-Նինուրթա (մ. թ. ա. 1244—1208 թթ.) արքայի արձանագրություններում: Այս արքայի դահակալության առաջին իսկ տարին, Կումենուի բանակը, Կու-

¹ Մովսիսի խորենացույ Պատմութիւն Հայոց, քննական ընդիրը Մ. Արեղյանի և Ս. Հարությունյանի. Երևան, 1981, դիրք առաջին, Ժ—ԺԱ. Պատմութիւն Սերեոսի, աշխատասիրությամբ Գ. Վ. Արզարյանի. Երևան, 1979, Հստ Սերեոսի, Հայկը Բաբելոնից դուրս է դալիս դեպի Արարադի երկիրը իր ծոռան ծոռի դավակ Արա Գեղեցիկի ծնվելուց հետո միայն: Համաձայն նույն սկզբնաղբյուրի՝ Բելին սպանելուց հետո, Հայկը իր ընտանիքով վերադառնում է Արարադի երկիր և այստեղ էլ կնքում իր մահկանացուն:

² Ս. Ս. Երեմյան. Հայաստանի բնաշխարհը. տե՛ս Հայ ժողովրդի պատմություն. Երևան, 1971, էջ 13, ծան. 19: Տե՛ս նաև Н. В. Арутюнян. Топонимика Урарту.. Ереван, 1985, с. 150—151.

տիներին հետ դաշնակցած, հարձակվում է Ասորեստանի վրա: Հյուսիսային Միջագետքի կենտրոնական մասում, Յաուրի լեռան վրա ճակատամարտ է տեղի ունենում Թուկուլթի-Նինուրթայի ու դաշնակիցների զորաբանակների միջև: Վերջիններս պարտվում են, իսկ ասորեստանցիք զրավում են, ավելի ճիշտ՝ ասպատակում են լեռնաշխարհի ամբողջ հարավը³:

Մ. թ. ա. XII դարում, Մերձավոր Արևելքի արևմուտքում սկսվում են մեծ էթնիկական տեղաշարժեր: Այսպես կոչված «Մովի ժողովուրդները» արշավում են դեպի Փոքր Ասիա, Սիրիա ու Եգիպտոս: Կասկերը Սև ծովի հարավային ու հարավ-արևելյան ափերից արշավում են խաթի ու այնուհետև հայտնվում են Ալզի (Աղձնիք) երկրում: Արևելյան մուշքերը դուրս գալով, ըստ երևույթին, Հայաստան-Աղբի տարածքից, մ. թ. ա. 1165 թ. գրավում են Ալզի և Պուրուլումզի երկրները, իսկ 1115 թ. մտնում են Ասորեստանին ենթակա Կադմուխի իշխանության տարածքը: Շարունակվում է արամեացիների դեռևս XIV դարում սկսված ներթափանցումը բուն Միջագետք: Խեթական կայսրության անկումից հետո սկսվում են լուվիացիների տեղաշարժերը⁴:

Մովի ժողովուրդների առաջընթացը կանխում են եգիպտացիք: Արամեացիների, կասկերի, մուշքերի ու լուվիացիների դեմ դուրս է գալիս Ասորեստանի Թալաթպալասար I արքան (մ. թ. ա. 1115—1077 թթ.): Թալաթպալասարը կարողանում է կանխել արամեացիների (ախլամեացիների) ներխուժումները Միջագետք, գրավում է Բաբելոնն ու Միջերկրականի ափերին գտնվող փյունիկյան քաղաքները: Այս իրադարձություններին, սակայն, նախորդում են Թալաթպալասարի արշավանքները դեպի Հայկական լեռնաշխարհ: Այս արշավանքներն սկսելուն առիթ եղավ այն, որ մ. թ. ա. 1115 թ. արևելյան մուշքերը հայտնվեցին Կադմուխիում: Թալաթպալասարի ասելով, նրանք գրավել էին Կադմուխին. սակայն, ըստ երևույթին, ճշմարտությունն այն է, որ այս իշխանությունն էր խնդրել մուշքերի օժանդակությունը, որովհետև ապստամբել էր: Նման տեսակետի օգտին է վկայում այն հանգամանքը, որ 1115 թ. Կադմուխիում, մուշքերի հինգ արքաների 20 000 մարտիկներից կազմված բանակը ջախջախելուց հետո (բանակի մի մասը կարողանում է փրկվել նահանջելով, իսկ մի մասն էլ, շուրջ 6000 հոգի, գերի են հանձնվում և ընդունում են ասորական հպատակություն), 1114 թ. Թալաթպալասարը կրկին արշավում է Կադմուխի, վերջինս շարունակում էր հարկ չվճարել Ասորեստանին, այսինքն երկիրն իրեն անկախ էր հռչակել: Թալաթպալասարը ավերում է նաև Կադմուխիին օգնության եկած Բաբելի երկիրը: Այնուհետև նա արշավում է Ալզի և Պուրուլումզի, որոնք կրկին անգամ ապստամբել էին. այստեղ Թալաթպալասարը ջախջախում է, ըստ երևույթին օգնության եկած կասկերի և ուրումեացիների (տարոնցիների) 4000-անոց բանակը: Այնուհետև անցնում է Մոփք և Վերին Մփրատի ու Ճորոխի հովիտներով առաջանալով, 1112 թ. հասնում է Սև ծով: Այս ընթացքում նա, իր իսկ վկայությամբ, մարտնչում է ավելի քան 60 (կամ 83) նաիրյան արքաների բանակների դեմ, որոնք մեծ մասամբ ընդդիմանում էին ասորեստանցիներին փոխհամաձայնեցված գործողություններով: Սա վկայում է այն մասին, որ Թալաթպալասարի արշավանքները կանխելու նպատակով ոտքի էր կանգնել ամբողջ երկիրը և նաիրցիները միահամուռ ուժերով պաշտպանում էին ինչպես լեռնաշխարհի Ասորեստանին սահմանակից հարավը, այնպես էլ միջնաշխարհն ու հյուսիսը: Այդ դաշնակցության կազմում էին նաև կասկերը, ուրումեացիներն ու արևելյան մուշքերը, ընդ որում արևելյան մուշ-

³ И. М. Дьяконов. Ассирийско-вавилонские источники по истории Урарту (այսուհետև՝ АВИАУ).—Вестник древней истории (այսուհետև՝ ВДИ), 1951, 2—4, № 7.

⁴ Այս մասին հանգամանորեն տե՛ս Ա. Վ. Քոսյան. էթնիկական տեղաշարժերը Փոքր Ասիայում և Հայկական լեռնաշխարհում մ. թ. ա. XII դարում.— «Պատմա-բանասիրական հանգես», 1991, № 1, էջ 65—77.

քերն էին, որ իրենց վրա ընդունեցին վտանգավոր ախոյանի առաջին հարվածները:

Վերադարձի ճանապարհին Թզլաթպալասարը հարկ է պահանջում Մելիտենից, իսկ 1111 թ. արշավում է դեպի այս երկիրը. այսինքն, հնարավոր է, որ նաև Մելիտենի լուվիական կամ վաղ հալկալա⁵ բնակչությունը ևս մասնակից էր նախորդի ինքնապատկանական պատերազմին:

Մ. թ. ա. 1110 թ., դաշնակիցների ջախջախումը ավարտելու նպատակով, Թզլաթպալասարը հարձակվում է Մուծածիրի վրա, որին անմիջապես պաշտպան է կոնսիդերում Կումենուն: Թզլաթպալասարը գրավում է Մուծածիրը և Բալա լեռան վրա ջախջախում է Կումենուի քսանհաղարանոց բանակը: Այնուհետև գրավում ու ավերում է Կումենուի հունուս քաղաքը, ավերում է Թեշուրի տաճարը. սակայն, սոսկալով իր իսկ արածից, թրծած աղյուսներով վերակառուցում է քաղաքի այդ աստծու տաճարը, այնտեղ դնելով իր իսկ հիմունքով ձուլված բրոնզե կայծակի արձան: Նույն արշավանքի ընթացքում զորքապետում է Նիրուրի լեռներում գտնվող Կիբշա (կամ Կիբշունա) քաղաքի Ասորեստանցիք քաղաքը շին գրոհում, պայմանով, որ քանդվեն քաղաքի տարիսյունները, արվեն պատանդներ, ամենամյա ավելի մեծ հարկ է, որ ամենաուշագրավն է, քաղաքից վտարվեն երեք հարյուր այն ընտանիքները, որոնք նույնիսկ այժմ ոչուզեցան հնազանդվել Աշուրին, արքայի տիրոջը⁶: Այս երեք հարյուր ընտանիքները իսկապես դուրս են ելնում քաղաքից. Թզլաթպալասարը ասում է, թե ընդունել է նրանց, սակայն այդ մարդկանց հետագա ճակատագրի մասին ոչինչ չի հայտնում: Կարելի է ենթադրել, որ այս մարդիկ շին կոտորվել, շին ստրկացվել կամ դարձել Թզլաթպալասարի հայատուկներ, այլապես այդ մասին Թզլաթպալասարը անպայման կասեր, համաձայն իր սովորություն: Ամենայն հավանականությամբ նրանց վտարել են նաև Ասորեստանից. ավելի ճիշտ՝ հնարավորություն է տրվել հեռանալ երկրից: Նահանջի ճանապարհը միայն մեկն էր, դեպի հյուսիս՝ Վանու լճի ավազանը: Նշեմ, որ Վանա լճից հյուսիս, Մասադկլիսի մոտ հայտնաբերված է Թզլաթպալասարի մի արձանագրությունը, որտեղ պատմվում է նրա հաղթարշավների մասին:

Հայկ նահապետի մասին առապելը և Թզլաթպալասարի տարեգրություն հիշատակված հատվածներն ունեն մի շարք ընդհանրություններ.

1. Համընկնում են կատարված իրադարձությունների վայրերը՝ Միջագետք, Կադուխի (Տուն Կադուխայ), Արարազի երկիր, Վանա լճի ավազան:

2. Ժամանակաշրջանը. 300 ընտանիքները լքում են Արարազ լեռը (Կիբշա քաղաքը) մ. թ. ա. 1110 թ.: հորենացին Հայկից մինչև Արամ (եթե իսկապես ճիշտ է ընդունված տեսակետը, որ Արամը Վանի թագավորության Արամի որդան է)⁷ այսինքն մ. թ. ա. 860 թ., հաշվում է յոթ սերունդ, ժամանակաշրջան, որը համադրելի է 1110 թ. մինչև 860 թ. ընկած 250 տարիների հետ:

3. Նման են հորենացու մոտ նկարագրված և մ. թ. ա. XII դարում տիրող քաղաքական ու էթնիկական իրավիճակները:

4. Նույնն է գաղթողների թիվը՝ 300 ընտանիք:

5. Նույնն է գաղթի պատճառը. բոլոր երկրներն ու իշխանությունները ընդունում են արքայի գերիշխանությունը, անհնազանդ է միայն մեկ տոհմ, որը ստիպված է նահանջել:

6. Լիովին համադրելի են Թզլաթպալասարի և Բելի կերպարները, որպես Բաբելոն քաղաքի տերերի ու Մերձավոր Արևելքի հզորագույն տիրակալների:

7. Հայկի կերպարը համադրվում է Կումենուի և Առաջավոր Ասիայի շատ երկրներում այն ժամանակ լավ հայտնի Թեշուրի՝ ամպրոպային ու վիշա-

⁵ Տեղիներ առաջարկել է Գ. Խ. Սարգսյանը:

⁶ АВНУ, 10 (VI, 22).

պամարտ աստվածություն հետ. համադրվում են, սակայն չեն նույնանում:

8. Եվ, վերջապես, առավել քան հավանական է, որ Վանա լճի ափին ճակատամարտ է եղել Թզլաթպալասարի ու լճի ավազանի իշխանությունների զորքերի միջև, որին կարող էին մասնակցել և հիշատակված զաղթականները: Արժանահիշատակ է նաև այն, որ Թզլաթպալասարի վերոհիշյալ արձանագրությունը գտնվում է հենց Հարբում՝ այս վայրերում Հայկի կողմից յուրացված առաջին գավառում⁷:

Այսպիսով, կարելի է ենթադրել, որ 300 ընտանիքներից կազմված համայնքի անկոտրուն կամքի ու ազատասիրության այս դրսևորումը չի մոռացվել: Այս մասին երգեր են հյուսվել, որոնք այնուհետև միաձուլվել են Հայկ նահապետի մասին առասպելին:

Եթե ընդունենք, որ ճիշտ է վերոհիշյալ վարկածը, կծագեն հետևյալ հարցերը.

1. Ո՞վքեր էին այդ 300 ընտանիքները: Ի՞նչ ծագում ունեին:

Այս և հաջորդող հարցերին պատասխանելու համար անհրաժեշտ է քիչ առաջ գնալ ու տեսնել, թե ինչպիսի՞ն էր էթնիկական իրադրությունը լեռնաշխարհի այս անկյունում մ. թ. ա. IX—VII դդ., ժամանակաշրջան, որից մեկ են հասել նաև բիայնական սկզբնաղբյուրներ:

Իշպուհիի և Մինուա արքաների օրոք Վանի թագավորությունում կանխագծվեց ու իրագործվեց բարեփոխությունների մի ամբողջ համակարգ, որը սկիզբ դրեց բիայնական պետականությանը՝ բառիս բուն իմաստով: Այդ տարիներին, IX դարի վերջին քառորդին, ձեռնարկվեց և իրագործվեց նաև կրոնական ռեֆորմը. ստեղծվեց համաուրարտական դիցաբան. կանոնավորվեց ծեսերի ու պաշտամունքային շինությունների համակարգը: Բնականաբար, ինչպես մյուս՝ իրավական, ռազմական, վարչական, տնտեսական ու լեզվի ռեֆորմների ընթացքում, կրոնական բարեփոխումների համար էլ որպես հիմք էր ընդունվում երկրի քաղաքական, մշակութային ու էթնիկական իրադրությունը. գիցարանում ընդգրկված էին բուն ուրարտական, խոռիական, հեթիթական ու հայկական աստվածություններ:

Վանի թագավորության կրոնը կանոնավորված ձևով վերարտադրված է Մհերի դռան արձանագրությունում՝ երկրի գլխավոր պաշտամունքային կառույցի վրա⁸:

Արձանագրությունում Ուրարտուի բոլոր աստվածություններին ամենամյա՝ նոր տարվա սկզբի հետ կապված, զոհերի մատուցման կարգն է սահմանված: Այստեղ կարգադրվում է զոհեր մատուցել և տարբեր «սրբությունների»՝ ոգիների, սրբատեղիների և կամ արդեն հիշատակված աստվածությունների պատվին, նրանց տալով այլ՝ իրենց պաշտամունքային կենտրոնները կամ պաշտամունքի հիմնական արեալները մատնանշող անուններ: Այս ձևով հիշատակված են յոթ վայրեր, հետևյալ կերպ ու հերթականությամբ.

ա. URU Ardininaue DINGIR («Արդինիքի տաժոն»): Նկատի է առնված Մուծածիրը և երկրի գլխավոր աստված Խալդին:

բ. URU Qumenunaue DINGIR («Կումենույքի տաժոն»): Նկատի է առնված երկրի նշանակությամբ երկրորդ՝ բնության տարերքի աստված Թեյշեբան:

գ. URU Tušpaninaue DINGIR («Տուշպանույքի տաժոն»): Նկատի է առնված

⁷ Արձանագրությունն ունի հետևյալ բովանդակությունը. «Թուկուլթիապալ-էշարա. հզոր արքա, տիեզերքի արքա, Ասորեստանի արքա, աշխարհի շորս կողմերի արքա. հնազանդեցինոջ նախրի երկրների՝ Թումմեից մինչև Դայանի, հնազանդեցինոջ Խարխի մինչև Մեծ ծով» (ABVIU, 17).

⁸ Г. А. М е л и к ш в и л и. Урартские клинообразные надписи, М., 1960, № 27.

ված Լրկրի նշանակությամբ երրորդ՝ Արևի ու արդարության աստված Շիվինին:

դ. DINGIRMEŠ URU Aršunlulni («Արծուինիունի քաղաքի աստվածներին»), այդ աստվածություններն էին Ուան, Նալաինին և Ուրան⁹: Արծուինիունին Լրկրի դաշտն է, Վանա լճի հյուսիս-արևելյան ափին:

Լ. DUM KÁ URU Eridiani. («Էրիդիա քաղաքի Թեյշեբա աստծու դարպասներին»), Էրիդիան քաղաք է Սիփան լեռան վրա, Վանա լճի հյուսիսային ափին, Զիուկունի երկրում¹⁰:

դ. DUTU KÁ URU Uišinini («Բիշինի քաղաքի Շիվինի աստծու դարպասներին»), Ուիշինին տեղադրվում է Վանա լճի հարավ-արևելյան ափերի մոտ:

Է. Duaninaue KÁ URU Nišiduruni («Նիշիդուրունի քաղաքի Ուայան դարպասներին»), Նիշիդուրունի Ուա աստծու դարպասները, ըստ երևույթին, գտնվում էին արդեն հիշատակված Արծուինիունի երկրում՝ Բերկրի դաշտ: Այսպիսով, այս տեղանուններն ընդգծում են մի տարածք՝ ընդգրկող Վանա լճի հյուսիսային, արևելյան, հարավային ափերն ու Կումենու և Մուծածիր երկրները: Տարածք ու երկրներ, որոնք կաղմում էին Ուրարտական պետության հիմքը: Սրանք էին այն գլխավոր հինգ իշխանությունները (Տուշպա, Զիուկունի, Արծուինիունի, Մուծածիր և Կումենու), որոնց միությամբ կազմավորվեց Բիայնելին: Եվ այս իշխանություններից երեքի ավագ աստվածություններն էլ կազմեցին Ուրարտական դիցաբանի գլխավոր եռյակը. Նալդին՝ Մուծածիրից, Թեյշեբան՝ Կումենուից և Շիվինին՝ Տուշպայից¹¹:

Վանա լճի հյուսիսային և հյուսիս-արևելյան ափերին էին գտնվում Թեյշեբի, Շիվինի, Ուա, Նալաինի, Կումենու, Էլիպուրի, Զիուկունի, Առնի, Ուրա աստվածությունների պաշտամունքային կենտրոնները: Ընդ որում, այստեղ վկայված ինը աստվածություններից չորսը՝ Շիվինին (հայ. տիւ), Կումենու (հայ. Կումու), Զիուկունին (հայ. ձուկն) և Առնին (հայ. առն)¹²: ստուգապես, իսկ Էլիպուրին¹³ և Էրիդիայի Թեյշեբան՝ ենթադրաբար, ունեն հընդ-եվրոպական կամ հայկական բնութագիր: Վանա լճի արևելյան ափին վկայված է Կումենու, Շիվինի և Տուշպուեն աստվածությունների պաշտամունքը, որոնցից երկուսը՝ Կումենու ու Շիվինին, ինչպես ասվեց, ունեն հնդեվրոպական բնութագիր: Վանա լճի հարավային ափերին վկայված երկու աստվածություններն էլ՝ Առնին ու Շիվինին, ամենայն հավանականությամբ հայկական են:

⁹ SLC^u II. Գ. Հմայակյան. Վանի թագավորության պետական կրոնը. Երևան, 1990, էջ 105:

¹⁰ Գ. Բ. Զահուկյանը Էրիդիա անունը ստուգաբանում է հայերեն «երդ» բառով՝ Նա հայերենով է. բացատրում նաև Զիուկունի («ձուկն») տեղանունն ու դիցանունը՝ Էրիդիա և Զիուկունի երկրանունները հիշատակված են և ասորական սկզբնաղբյուրներում. Զիուկունին, որպես մեկը Ուրուատրի ութ իշխանություններից, վկայակոչում է Սալմանասար I-ը (մ. թ. ա. 1274—1245 թթ.), ինչպես և Աշուրբեկալան (մ. թ. ա. 1074—1057 թթ.): Ասորական աղբյուրներում այս տեղանունը վկայված է Զինգուն, Զիկունի ձևով՝ Էրիդիա տեղանունը առկա է Սալմանասար III-ի արձանագրություններից մեկում (տե՛ս Գ. Բ. Զահուկյան. Հայկական շերտը ուրարտական՝ դիցարանում.— «Պատմա-բանասիրական հանդես», 1986, № 1, էջ 54—56; ЛВИИУ, 2, 19, 27 (11, 54): Եթե ստույգ են այս համադրությունները, ապա կըսաացվի, որ Վանա լճի հյուսիսային ափերին հայեր են բնակվել ամենաուշը մ. թ. ա. XIII դարից սկսած:

¹¹ Այս հանգամանքի վրա ուշադրություն հրավիրեց Գ. Ն. Սարգսյանը, որին և շնորհակալություն եմ հայտնում:

¹² Ս. Գ. Հմայակյան. նշվ. աշխ., էջ 48—58:

¹³ Գ. Բ. Զահուկյան. Հայկական շերտը ուրարտական դիցարանում, էջ 54:

Մուծածիրում հալդիից բացի վկայված են և Արուրանի-Բագմաշթուի և Մելարդիի պաշտամունքները. ընդ որում Արուրանի-Բագմաշթուն համապատասխանում է Վարունա-Ահուրամազդային և հայոց Արամազդն է, իսկ Մելարդի դիցանունը ունի ստույգ հնդեվրոպական ստուգաբանություն¹⁴:

Եթե ընդունենք, որ այս աստվածությունները իրենց համապատասխան էթնոսներն են ներկայացնում դիցարանում, ապա կստացվի, որ բուն բիայնական պետության կազմում ընդգրկված գավառների բնակչության մի նշանակալից մասը մ. թ. ա. IX դարում արդեն ուներ հնդեվրոպական ու հայկական ծագում: Առանձնանում է միայն Կումենուն, որտեղ հայտնի է միայն Թեյշեբա ու Խուբա խուռիական աստվածությունների պաշտամունքը:

Այսպիսով երեք հարյուր ընտանիքները վտարվում են խուռիարենակ Կումենուից. երկիր, որը, համոզված եմ, բիայնական պետության մշակույթի խուռիական բնութագիր ունեցող մասի սնուցողն էր (խոսքս հիմնականում երկրի պետական լեզվի մասին է):

Վերը առաջադրված հարցի պատասխանը չի կարող միանշանակ լինել. ինձ, սակայն, ավելի հավանական է թվում հետևյալը. մ. թ. ա. 1115 թ. կադմուխիում կռվող մուշքերի մի մասը պարտությունից հետո չի հնազանդվել Ասորեստանին ու անցել է ապստամբ Կումենու: Ամեն դեպքում այդ ընտանիքները բնիկ կումենուցիներ չեն եղել. այս մասին է վկայում այն հանգամանքը, որ Թելաթպալասարը պահանջում է պատանդներից զատ իրեն հանձնել այդ մարդկանց, փաստ, ինքնին վկայող այն մասին, որ նրանք անհարազատ տարր են եղել նաև Կումենուի համար: Հիշենք, որ այժմ մուշքերը գիտվում են որպես լեռնաշխարհի բնիկ ու հայախոս ժողովուրդներից մեկը¹⁵:

Մյուս փաստը, որը վկայում է մուշքերի հնարավոր կապի մասին Հայկ նահապետի առասպելի հետ, այն է, որ հարավում մուշքերի բնակեցրած վերջին երկիրը Կադմուխին էր (Տուն Կադմեայ), որտեղից և, ըստ առասպելի, Հայկը սկսում է իր շարժումը դեպի հյուսիս:

2. Ինչո՞ւ է Աստվածաշնչային ավանդությունը Արարադի լեռը գիտում այն վայրը, որտեղ կանգ է առել Նոյան տապանը, և ինչո՞ւ ժողովուրդը հենց այս 300 ընտանիքների անհնազանդության պատմությունն է հյուսել առասպելին. անկասկած է, որ Ասորեստանի դեմ մղված պայքարում երկրում եղել են է՛լ ավելի հերոսական իրադարձություններ:

Կարծում եմ, պատճառը հետևյալն է. Կումենուն, Արարադ լեռան հետ, ուշ բրոնզի և վաղ երկաթի դարերում, և շատ ավելի վաղ ժամանակներից սկսած, Թեշուբ աստծու պաշտամունքային մեծ կենտրոնն էր, ուր ուխտի էին գալիս նաև Ասորեստանի արքաները: Թեշուբը Միտանիի, Խեթական կայսրության, ինչպես և շրջակա բազմաթիվ մանր ու մեծ իշխանությունների գլխավոր աստվածությունն էր:

Ուրեմն ո՞ր պիտի հանգրվաններ Նոյան տապանը եթե ոչ այն լեռան վրա, որը ձոնված էր այս աստծուն և որի վրա էր գտնվում Թեշուբի հայտնի տաճարը:

Մյուս կողմից, Թեշուբը շատ գծերով համադրվում է շումերական էնլիլ աստծու թնութագրի հետ. այս առումով հետաքրքիր է, որ Նիբուրի լեռները (այս անունը տառադարձվում է նաև Նիպուր՝ ŠADŪNīpur ձևով), կրում են նույն անունը, ինչ շումերական Նիպուր՝ էնլիլ աստծուն ձոնված քաղաքը. հիշենք, որ ըստ շումերական ու քաղական սկզբնաղբյուրների, էնլիլն սկսեց ու ավարտեց ջրհեղեղը: Այսինքն, կարելի է ենթադրել, որ դեռևս

¹⁴ Ս. Գ. Հմայակյան. նշվ. աշխ., էջ 110—111.

¹⁵ Ա. Վ. Քոսյան, նշվ. աշխ., էջ 77: И. М. Дьяконов, Н. Б. Янковская, В. Г. Ардзинба. Северная периферия нижнемесопотамской цивилизации (IV—II тыс. до н. э.).—В жн.: История древнего Востока, I, ч. II. М., 1988, с. 106—107.

սևսյադրական շրջանում եղել է ավանդությունն այն մասին, որ Նուրի նախակերպարների նավը (շումեր. Զիուսուդրա, աքադ. Ութ-նափիշտի) հանգրվանել է Արարադի լեռներում. ավանդություն, որն իր արտացոլումն է գրտել ինչպես Հին Կտակարանում, այնպես էլ Բերոսոսի մոտ (մ. թ. ա. III դարի սկիզբ)։ Վերջինս հաղորդում է, որ մեծ ջրհեղեղից հետո, Կսիսուտրոսի (համադրվում է Զիուսուդրայի հետ) նավը հանդրվանել է Հայաստանի լեռներում¹⁶։

Հողավածներիցս մեկում, հրատարակված 1990 թ., աշխատել եմ ցույց տալ, որ Մասիս լեռն ու Արարատյան դաշտի Արաքս գետին հարող տարածքը ղեռնա նախքան Ուրարտուի կողմից նվաճվելը առնչվել են Թեշուրի ու իր որդու՝ Կուեռա (Կուառ) աստծու պաշտամունքների հետ¹⁷։ Հնարավոր է, որ այս հանգամանքն է եղել այն հիմքը, որը հնարավոր է դարձրել որպես Նոյան տապանի հանգրվանի երկրորդ տարբերակ դիտելու Մասիս սարը, ղեռնա սեպագրական շրջանում¹⁸։

Կումենուի տաճարի ունեցած հռչակով է բացատրվում և այն, որ 300 ընտանիքների հերոսությունը չի մոռացվել։ Քանի որ պաշտամունքային այս մեծ կենտրոնում կատարված իրադարձությունները, ըստ երևույթին, շատ ավելի մեծ արձագանք էին գտնում ժողովրդի հոգում և հիշվում էին շատ ավելի երկար, այս կամ այն կերպ առնչվելով Թեշուրի պաշտամունքի հետ։

Յ. Եվ վերջապես, արդյո՞ք նույնանում են Թեշուրն ու Հայկը։

Նկատի ունենալով այս աստվածությունների շատ գծերի ընդհանրությունը, հնարավոր է նման վարկածի գոյության իրավունքը. կարծում եմ, հայերը Հայկին երբեք չեն անվանել Թեշուր կամ Թեյշեբա. սակայն այդ կարող էին անել հարևանները, Հայկին կոչելով ավելի հանրահայտ Թեշուրի ունունով։ Սրա վկայությունն է թվում այն, որ Մհերի դուստր արձանագրությունում Կումենուի Թեյշեբայից զատ հիշատակվում է և էրիդիայի Թեյշեբան, էրիդիան գտնվում էր Վանա լճի հյուսիսային ափերից ոչ հեռու, Զիուկունի (Արծկե) երկրում (Սիփան սարի վրա. ինքը Սիփանն էլ այն ժամանակ կրում էր էրիդիա անունը)։ Ընդ որում, թե՛ Զիուկունին և թե՛ էրիդիան, ըստ Գ. Բ. Ջահուկյանի, ինչպես ասվել է, ստուգաբանվում են հայերենով, և հնարավոր է, որ Վանի թագավորության պաշտոնական դիցարանում այս վայրերը ներկայացնող աստվածություններն էլ հայկական լինեին։ Ամեն դեպքում, Զիուկունի երկրի գլխավոր աստվածություններից մեկը կրում էր նույն՝ Զիուկունի (հայ. ձուկն բառից) անունը։

Նկատի ունենալով այն, որ էրիդիան փաստորեն հարում էր Հարթին, կարելի է ենթադրել, որ Կումենուի Թեշուրից տարբերակված էրիդիայի Թեյշեբան կարող էր հենց Հայկը լինել։

Ավելի ցանկալի, որ Վանի թագավորության Ուրուատրի, Ուրարտու կամ Արարադ անունը նույնպես արդյունք է Կումենուի ունեցած մեծ հռչակի՝ փտարձրը երկիրը կոչել էին միացյալ թագավորության ամենանշանավոր մասի անունով։

¹⁶ Այս և աշխարհում հայտնի մեծ ջրհեղեղի մասին եղած այլ ավանդությունների մասին տե՛ս Дж. Фрэнсис. Фольклор в Ветхом Завете. М., 1985, с. 63—159.

¹⁷ Տե՛ս Կուեռա-Կուառ աստվածության պաշտամունքը Հայկական լեռնաշխարհում. — Միասնաբանության հանդես, 1990, № 1, էջ 166։

¹⁸ Այս կարծիքը Եվրոպայում հայտնի դարձավ XIII դարում, Վիլյամ Ռուբրուքի ուղեգրության շնորհիվ։ Լինելով Հայաստանում Ռուբրուքը վերարտադրել էր մեր այն ավանդությունները, որոնք պատմում էին Մասիս լեռան մասին, որպես մի վայրի, ուր հանդրվանել է Նոյան տապանը (տե՛ս Հովհ. Հակոբյան. Ուղեգրություններ, հ. Ա, Երևան, 1932, էջ 18—19)։

ПРЕДАНИЕ О ПАТРИАРХЕ ХАЙКЕ И ГОРОД КИБША В
ГОРАХ НИБУР

С. Г. АМАЯКЯН

Резюме

Общезвестно, что предание о Хайке имеет глубокие исторические корни. Эта статья вкратце возвращает нас к этио-политической ситуации западной Передней Азии XII века до н. э., которая во многом соответствует эпохе, описанной Мовсесом Хоренаци, когда Хайк, оставив Вавилон, вместе со своим потомством (включавшим около 300 мужчин), отправляется в «землю Арарадскую» и дальше на северо-запад — в Харк. Гора Арарад соответствует горам Нибул в ассирийских источниках. На этих горах, в стране Кумену, находился тогда древний и общезвестный религиозный центр бога Тешуба. Именно из столицы этой страны Кибша (Кибшупа) по настоянию Тиглатпаласара I были выселены 300 мятежных семейств (по моему мнению) мушков (восточных), которые затем отступили на север, к озеру Ван. Этот эпизод наиро-ассирийских войн в дальнейшем был слит с мифом о Хайке — патриархе армян. Хайку в надписи Мхери-дур соответствует, по-видимому, божество «Тейшеба города Эридна».